


**JAMHURI YA MUUNGANO WA TANZANIA**

**WIZARA YA AFYA**

**IRINGA REGIONAL**

Tel: 026-2702264

Fax No.: 026-270226



**HOSPITALI YA RUFAA YA MKO**

**S.L.P 260**

**IRINGA**

**MKATABA WA UFUNDI WA KAZI YA NYONGEZA YA MFUMO WA BOMBA KATIKA  
JENGO LA ICU, KATIKA HOSPITALI YA RUFAA YA MKOA IRINGA**

**MWAJIRI**

**MGANGA MFAWIDHI**

**IRINGA**

**FUNDI**

**PIUS J. CHANGWILA**

**IRINGA**

## FOMU YA MKATABA

### MKATABA WA UFUNDI WA KAZI YA NYONGEZA YA MFUMO WA BOMBA KATIKA JENGO LA ICU, KATIKA HOSPITALI YA RUFEE YA MKOA IRINGA

Makubaliano haya ya mkataba wa ufundi wa kazi ya ujenzi wa bomba katika jengo la ICU, katika Hospitali ya Rufaa ya Mkoa Iringa yamefanyika leo tarehe 19/05/2022

#### KATI YA

**Mganga Mfawidhi, S.L.P. 260 Iringa**, ambaye kwa madhumuni ya mkataba huu atajulikana kama (Mwajiri) kwa upande mmoja,

**PIUS J. CHANGWILA**, ambaye kwa madhumuni ya mkataba huu anajulikana kama "**Fundi**" kwa upande mwingine.

**Kwa kuwa**, Mwajiri anahitaji kazi ya ukarabati wa wodi namba 7 kuwa ICU, katika Hospitali ya Rufaa ya Mkoa Iringa kwa kutumia njia ya usimamizi na rasilimali za ndani (**Force Account**);

**Kwa kuwa**, Katika kutekeleza azma yake, Mwajiri amezingatia taratibu, kanuni na Sheria ya Manunuzi Namba 7 ya mwaka 2011;

**Na kwa kuwa**, mwajiri kupitia ridhaa iliyotolewa na Bodi ya Zabuni ya Hospitali ya Rufaa ya Mkoa kupitia *kikao cha dharura cha tarehe 18/05/2022* iliridhia kazi ya kufunga miundo mabomba katika jengo la ICU apewe PIUS J. CHANGWILA, kwa gharama ya Shilingi za Kitanzania laki nne sabilni na mbili elfu na mia tano tu. (472,500/-) ambayo ni bei ya Mkataba kwa muda wa siku 7 kuanzia tarehe ya kusainiwa kwa mkataba

**HIVYO BASI, PANDE ZOTE MBILI ZIMEKUBALIANA KUFUNGWA NA MASHARTI YA MKATABA KAMA IFUATAVYO:-**

#### MAANA YA MANENO NA MAELEZO

Katika makubaliano haya, maneno na maelezo yatakuwa na maana sawa kama yalivyopewa katika masharti ya mkataba unaojieleza.

## **MUDA WA MKATABA**

Kwamba pande mbili katika mkataba huu zimekubaliana kuwa Muda wa kuanza hadi kumaliza kazi ni siku 7 na kwamba muda huu utaanza kuhesabika siku na tarehe ya kukabidhiwa site.

## **MALIPO YA FIDIA/HASARA**

- i. **Kwamba Fundi** atawajibika kumlipa Mwajiri hasara za vifaa vyote pamoja na gharama nyinginezo zitakazotokana na kazi zisizoridhisha kwa mujibu wa mkataba huu.
- ii. Kwamba, Fundi atamlipa mwajiri asilimia thelathini (30%) ya kazi ambayo hajamaliza kwa wakati itakayosababisha mwajiri kuingia gharama nyingine ya ziada.
- iii. Ofisi ya Mganga Mfawidhi inaridhia PIUS J. CHANGWILA apewe kazi ya BOMBA jengo la ICU katika Hospitali ya Rufaa ya Mkoa Iringa kwa gharama ya Shilingi za Kitanzania laki nne na sabini na mbili elfu na mia tano tu. (472,500/-) ambayo ni bei ya Mkataba kwa muda wa siku 7 kuanzia tarehe ya kusainiwa kwa mkataba na kukabidhiwa site ambayo ni bei ya Mkataba.

## **HIVYO BASI, PANDE ZOTE MBILI ZIMEKUBALIANA KUFUNGWA KWA MKATABA -**

### **TARATIBU ZA MALIPO YA KAZI NA MAPOKEZI YA VIFAA VYA UJENZI.**

Imekubalika na pande mbili katika mkataba huu Kwamba, vifaa (Building materials) vitakavyotumika katika kazi vitatolewa na Mwajiri, na kwamba Fundi atalipwa gharama za ufundi (Labour Charge). Kama ilivyoainishwa katika Utaratibu wa ufanyaji kazi (Schedule of Activity na ramani).

Ni wajibu wa fundi kutafuta vifaa vya kufanyia kazi (Mfano mwiko, pima maji, kamba, tape measure n.k). Mwajiri hatawajibika na upatikanaji wa vifaa hivyo.

Kwamba, pande mbili katika mkataba huu zimekubaliana kuwa katika kipindi chote cha mkataba huu Fundi atatakiwa kuwa na Akaunti katika Benki inayofikika kirahisi.

## **MALIPO**

- i. Fundi atalipwa kiasi cha Shilingi za Kitanzania laki nne sabini elfu sabini na mbili elfu na mia tano tu. (TShs 472,500/) ambayo ni bei ya Mkataba kuanzia tarehe ya kusainiwa kwa mkataba **[Thamani ya Mkataba]**. Fedha hizi zitakuwa zinalipwa kila baada ya Fundi kutekeleza majukumu yake na baada ya ukaguzi wa ubora wa kazi na hatua iliyofikiwa
  - (i) Gharama za ufundi zilizoainishwa kwenye Mkataba huu ndizo zitakazohusika kwenye malipo.
  - (ii) Malipo yatafanyika kwa Shilingi za Kitanzania.  
Malipo yatafanyika pale tu nyaraka zifuatazo zitakapokuwa zimekamilika na kuwasilishwa pamoja na maombi:-
    - a) Barua ya Maombi ya kulipwa kutoka kwa Fundi iliyoainisha kazi alizofanya kulingana na mpango kazi uliowasilishwa kabla ya kusainiwa kwa mkataba huu.
    - b) Taarifa ya kamati ya Ujenzi pamoja na Taarifa ya Mhandisi Msimamizi.

## **WAJIBU WA FUNDI**

Katika mkataba huu Fundi atakuwa na wajibu wa kutekeleza yafuatayo;

- i. Atafanya kazi ya Ofisi ya Mganga Mfawidhi inaridhia PIUS J. CHANGWILA apewe kazi ya kutengeneza mabomba katika jengo la ICU Hospitali ya Rufaa ya Mkoa Iringa kwa Shilingi za Kitanzania laki nne sabini na mbili elfu na mia tano tu. (TShs 472,500/) ambayo ni bei ya Mkataba kwa muda wa siku 7 kuanzia tarehe ya kusainiwa kwa mkataba na kukabidhiwa site
- ii. Kuwalipa vibarua wote anaofanya nao kazi.
- iii. Kukabidhi kazi yenye ubora iliyokidhi viwango na mahitaji ya mwajiri.

- iv. Kuwepo eneo la kazi muda wote kazi inapofanyika.
- v. Kutumia vifaa vya ujenzi alivyokabidhiwa kwa uangalifu na uaminifu.
- vi. Endapo kazi itakataliwa na kutokupokelewa kwasababu yakutokidhi viwango vilivyoainishwa, fundi atarudia kazi hiyo kwa gharama (gharama za vifaa na ufundi) zake mwenyewe.
- vii. Atawajibika na usalama mahali pa kazi siku zote za kazi.
- viii. Kuhakikisha anamaliza kazi ya mabomba katika jengo la ICU ndani ya muda ulioainishwa kwenye mkataba huu.
- ix. Kuwasilisha barua ya Maombi ya Malipo baada ya kukamilisha kazi kwa kuzingatia mpango kazi uliokubalika
- x. Kutoa Ushirikiano kwa wasimamizi wa kazi.

### **WAJIBU WA MWAJIRI**

Katika mkataba huu mwajiri atakuwa na wajibu wa kutekeleza yafuatayo.

- (i) Kuhifadhi na Kutoa vifaa kwa awamu pale vinapohitajika na Fundi kwa ajili ya mabomba ya jengo la ICU , katika Hospitali ya Rufaa ya Mkoa Iringa
- (ii) Kukagua kazi ya ujenzi wa bomba katika jengo la ICU mara kwa mara ili kuhakikisha hiyo inakidhi vipimo, ubora na viwango kwa mujibu wa maelekezo yaliyotolewa kwa Fundi.
- (iii) Kununua vifaa vinavyohitajika katika kazi ya ujenzi wa bomba katika ujenzi wa jengo la ICU na Kumlipa Fundi kulingana na kazi iliyofanyika.
- (iv) Kutoa ithibati kwa kazi iliyofanyika na hivyo kuridhia kiwango cha kazi iliyofanyika.
- (v) Kuteua msimamizi wa kazi hiyo.

## **UKAGUZI**

- (i) Mwajiri ana haki ya kukagua kazi ya BOMBA katika eneo la ujenzi wa bomba katika jengo la ICU ili kujiridhisha na ubora kama ilivyoainishwa kwenye mkataba.
- (ii) Mwajiri ana haki ya kukataa kazi BOMBA katika ujenzi wa jengo la ICU uliofanyika chini ya viwango vilivyowekwa.
- (iii) Mwenyekiti wa Kamati ya Ujenzi atamwakilisha mwajiri kwenye ukaguzi wa mara kwa mara wakati wa ukarabati.

## **KUVUNJIKA/KUSITISHWA MKATABA**

- (i) Upande wowote unaweza kuvunja au kusitisha mkataba muda wowote kwa kutoa notisi ya maandishi ya siku saba.
- (ii) Endapo Fundi atashindwa kukamilisha kazi ya bomba katika jengo la ICU kwa muda wa mkataba au kufanya chini ya kiwango tofauti na makubaliano, mwajiri atalazimika kuvunja au kusitisha mkataba na Fundi atalazimika kulipa fidia ya hasara zitakazojitokeza kutokana na kuvunjika kwa mkataba huu.

## **MAJANGA YA KIASILI**

- (i) Kwamba, endapo itatokea kazi ya bomba katika jengo la ICU kama ilivyoainishwa imeathiriwa au itaathiriwa na visababishi vya asili kama vile mafuriko, tetemeko la asili, magonjwa ya mlipuko na ukame, Fundi atapaswa na kuwajibika kutoa taarifa mapema kwa Mwajiri ili kuona na kutathmini ni kiasi gani visababishi hivyo vimeathiri au vitaathiri kazi ya ujenzi wa bomba katika jengo la ICU.
- (ii) Kwamba, kwa kuzingatia masharti yaliyopo kwenye kifungu (i) hapo juu, ni lazima Mwajiri aridhike na sababu zitakazotolewa na Fundi kuwa ni za msingi na zimeathiri au zitaathiri kazi ya bomba katika ujenzi wa jengo la ICU.

## **SHERIA NA UTATUZI WA MIGOGORO**

- (i) Kwamba, mkataba huu utatekelezwa na pande zote kwa mujibu wa sheria za Jamhuri ya Muungano wa Tanzania za mikataba na sheria ya manunuzi ya Umma.
- (ii) Kwamba, endapo mgogoro wowote utatokea kuhusiana na utekelezaji wa mkataba huu utasuluhushwa na wahusika wa pande zote mbili kwa amani na endapo upande wowote hautaridhika na mwafaka uliofikiwa, utaratibu wa utatuzi wa migogoro ya kimikataba utafuatwa.

**MAKUBALIANO**

Kwa kuthibitisha mkataba huu, pande zote mbili zinaweka saini zao bila kushurutishwa na mtu kama inavyoonekana hapa chini, leo tarehe **19/05/2022**

**UPANDE WA MWAJIRI UMESAINIWA NA:**

Jina: Alfred Laison  
Sahihi: [Signature]  
Cheo: MOI  
Tarehe: 19/05/2022

Jina: ABAS S. MLANTA  
Sahihi: [Signature]  
Cheo: [Signature]  
Tarehe: 19/05/2022

**UPANDE WA FUNDI UMESAINIWA NA:**

Jina: PILIS J. CHANSHILA  
Sahihi: [Signature]  
Cheo: FUNDI BOMBA  
Tarehe: 19/05/2022

Jina: SAMUEL S. MUSEKE  
Sahihi: [Signature]  
Cheo: FUNDI  
Tarehe: 19/05/2022